

南京文庫題



第二十五號

民國三十八年一月

汪文輝：
護餉解滇日記

陳道南：
香月樓殘稿

侯日昌：
覆瓿集賸稿

程晉燾：
壽盒詩存

汪傳縉：
敦復自省錄

南京市文獻委員會
通志館印行

內政部對於本會之嘉獎令

禮字第二四三三號

全國各界救國協會


查貴會於九月二十日致送本會呈請嘉獎案據此

茲會同作報查辦案據此

主明題憲案據會同作報查辦案據此

案據會同作報查辦案據此

中華民國



大總統府

秘書長

校對

護餉解演日記

上元汪文輝著

丁亥年丙辰三月戊戌日晴。自揚起程。護第三批餉。管解雲南。孫內兄樗庵齊斯。周甥麗中。子賁相送舟次。留別以詩。計程七十里至揚州府屬儀徵縣宿。（下闕）

官船茫茫類蠅蓬。口口偏阻石尤風。愧吾奔走違慈母。憐爾癡頑戀乃翁。王事敗辭千嶺外。兒歸好慰北堂中。妖氛此去知應靖。一一平安託雁鴻。

昔酒昨年記送君。今攜書劍亦離羣。鶯花三月辭邗水。戎馬千山觸瘴雲。蠻地無煩愁險

難。官軍知己靖妖氛。相逢好約深秋月。紫蟹黃花與論文。

己亥大雨。仍住儀徵。謁南宮先生。晤竹香令姪應鐘。

庚子早自儀起程。道皆東岡楊。中途雨交加。三十五里陳寶橋尖。三十五里江寧府屬六合

縣宿。

曉發真州

曉發真州驛。烟波靜水關。山迎村樹隱。雨渡大江來。畏溼防行李。驅寒倩酒盃。荀輿

愁遠滑。詩思不勝人。

辛丑微雨。三十五里江寧府屬。過河尖五十五里水口宿。

壬寅晴。三十五里直隸潯（原闕）宿龍興寺。竹香遊醉翁亭。望鄒鄒諸峯之（原闕）奴子

若櫻桃。晤全滋即生。

再宿龍興寺

重過南蕪地。殷勤到上方。水聲流竹經。磬響入禪床。舊話龜茲地。（余昔有西秦之役過此）今行細甸。勞生何日已。願示我舟航。

奴子薦櫻桃有感

征途終日歎勞勞。詩興全消酒不豪。却笑小僮強解事。動人鄉思買櫻桃。

醉翁亭

昔讀醉翁文。常想醉翁處。前夏與今春。兩過南譙路。行館假精廬。入門雙檜樹。殷殷訪古亭。十里向南去。諸友陳竹香。賈勇頗健步。登亭懷抱開。真得江山助。環滁果皆山。蔚然若相顧。不見太守來。但聞飛瀑布。亭本以人傳。人去亭亦故。悵望倚欄干。東林明玉兔。解囊貰村酒。往事憑僧語。

癸卯望微雨。天寒過關山。謁帝者廟。過磨盤山。六十里大柳尖。三十五里池河驛宿。

甲辰晴。三十里桑家澗尖。三十里鳳陽府屬定遠縣宿。馬病。

乙巳晤朱浩瀾廣文。四十五里張橋鎮尖。四十里八斗嶺宿。凌侶簣來。係原任江西臬司文孫。託寄滇省宮臬司書。余亦託彼寄家信。並寄朱廣文詩。

曉發定遠訪朱浩瀾廣文

曉發東城隅。微風吹柳絮。沿瀾朱廣文。七載疎良晤。入城一訪之。高眠猶未寤。筆硯何精良。軒窗雅素。架上花正開。堦前草不除。默然三歎息。清福誠堪慕。少馬主人出。飄飄若仙舉。餐我苜宿盤。酌我葡萄露。促漆坐南軒。一一論鄉故。更掃陳蕃榻。花間留我住。愧我風塵吏。王事難久駐。上馬索新詩。嗚咽無佳句。問我歸何時。中秋明玉兔。倘由陸路回。還當謁君署。

丙午晴。馬斃。三十五里梁縣尖。三十五里店埠宿。

悼馬

可憐我馬忽應殯。久識追風是異才。正擬長途同致遠。無端短策不能催。敝幃欲葬心多

戚。舊歷徒存見亦哀。惆悵何人憐駿骨。千金好待郭隗來。

丁未立夏晴。僕柏順病。四十里廬州府首邑合肥縣宿。晤張晴崖。留午膳。兼贈笏輿。又晤

李縣宰（諱）棠饋酒。晚與竹香飲。瀉浴。

贈陶竹香

平生落落無多友。况又頻年事奔走。浙西布衣陳竹香。意氣縱橫高北斗。南詔西秦馬跡多。重勞寒暑同攜手。更兼滿腹抱奇才。古今興廢從君剖。忽然仰面發長歎。九原豪客當回首。管鮑論變久不聞。人情變幻同蒼狗。皓月溶溶照几筵。勸君且酌樽中酒。

戊申晴暖。農家刈早麥。車水播種。四十五里館驛尖。二十五里青陽驛宿。

己酉晴。柏順病稍重。遣回蕪城。寄家信。二十五里桃坡渡河尖。二十五里廬州府屬舒城縣宿。蛙聲刮耳。夜不能寢。

途次奴子病先遣東歸

奴子恆多病。相依萬里來。辛勸憐重義。驅策愧無才。不逐蠻烟口。口尋越舫回。盼吾常九月。好護菊花臺。

獨坐

行館誰家屋。花磚口口生。風搖書院竹。蛙亂戍樓鉦。思遠詩無就。情多夢不成。披衣愁獨坐。殘月半窗明。

庚戌陰大風。出城過河二道。山行五十餘里。自舒邑至桐城界。山光明秀。溪澗澄清。布穀聲中。鄉農築圩蓄水。耕耘栽插。大有豐年氣象。三十里梅心驛尖。三十里大關宿。

辛亥早晴。午雨。三十里呂亭驛尖。十五里安慶府屬桐城縣宿。經張相國祖塋。俗名獅子墳。頗肖。

桐城道中

蕭蕭馬踏桐城道。桐城道上山光好。碧峯千點插雲間。飛泉萬丈傾天杪。我來正值春將暮。桃花落盡隨流去。溪畔漁郎發棹歌。渾疑身入天台路。板橋西去繞山行。橫空蒼翠惟松樹。忽然嵐氣四山起。化作千家萬家雨。二麥農夫喜已登。西成可望足秧水。太息馳驅不暫留。風塵碌碌何時已。

樅陽曉發

殘筇未落行人起。馬出東城渡城水。凝魂忽夢歸桑梓。醒驚去路九千里。細雨霏霏洒林木。麥秋日暖山田口。口子村姬睡未足。野鳥樹頭催布穀。

壬子大雨晝夜。浮山觀瀑。二十五里掛車河尖。渡河用竹筏甚輕捷。惟山路泥濘。車輛難行。五十里晚抵桐城境小路口宿。犒僕。

途次遇雨晚抵小路口示奴僕

出門纔兩旬。十日九日雨。况交吳楚界。崇山四面起。沙澗亦何多。七里五渡水。羸馬苦不前。官塘盡泥滓。所重在軍儲。何暇及行李。旅館惟先來。昏黑愁深軌。遠聽車麟麟。遙盼生歡喜。少焉奴僕至。妬面形如鬼。慰之以溫言。示之以綱紀。莫嗟行路難。路難從此始。

癸丑霧。過陶埠河。仍用竹筏。值陣雨。四十里至安慶府屬潛山縣。復大雷雨。龍掛經時。轟聲不絕。雲中隱紅氣上下無定。居人云。此赤龍也。轟聲乃天河響。主發大水。曾經驗過。宿東門外公館。奴子荐豆角。晚晴。

小鏡

小鏡如錢大。攜來一葉輕。雙螭邊剝蝕。皎月面晶瑩。多病三春暮。離家萬里行。那堪

頻對汝。無語獨含情。

甲寅晴。山水漲漫。過溪河三道。四十里小池河驛尖。四十里太湖縣宿。

乙卯晴。覽小孤山彭浪磯桑落州諸勝。二十里楓香驛尖。五十里安慶府屬宿松縣宿。病止酒。

道上口占

一夜雲生峯頂雨。數村流水到門前。農夫兩歲無秋事。慣向津頭弄渡船。
晚霽疎林映夕暉。溪邊唼艸乳鵝肥。荒田水滿飢鳥散。破屋門開野老歸。
楊柳搖風官道綠。薔薇經雨野塘香。興天午渴汲深井。村女窺人臨短牆。

山頭瀑布吼如虎。寺外蒼松勢若龍。對此忽生豪俠氣。儒生萬里算從戎。
丙辰雨。入湖北境。四十里黃州府屬黃梅縣宿。聞去歲自桐城至廣濟發水。偶被偏災。民力

少爲拮据。

二子行

去年黃梅發秋水。十家無糧九家死。城門水漲不得開。竹簾爲扉掌入市。中有老嫗誠堪惻。屋裏蛟龍爲窟宅。良人救水沒水中。眼望田荒耕不得。若遺二子少經營。恆飢相對無顏色。兒雖幼小識天倫。欲免娘飢願賣身。誰家年少身衣紫。聞是長安舊公子。馬上丰儀何灼灼。不重黃金重然諾。搖鞭立馬欲買之。老嫗再拜欣有託。呼天搶地慘將別。行人聽者消魂魄。誰知年少狠於虎。論價祇給錢千五。老嫗得錢心更苦。官私逋欠乃無補。

宿黃梅縣公館

九十春光將欲盡。八千里路去猶長。黃雲密霧遮吳嶺。凍雨顛風渡楚湘。老却鶯花懷故

國。聽來言語感殊方。軍行莫笑面生弱。醉舞蒼虬頗激昂。

丁巳晴。三十里雙城驛尖。六十里黃州府屬廣濟縣宿。一路皆山。而最險峻者。有大龍坡小龍坡之稱。

送春

客裏多愁善病身。那堪馬上送殘春。薛濤綰有幾千尺。難寫相思寄遠人。

四月戊午晴。渡新河二道。二十里高山鋪尖。三十里黃山時屬贛州之西河驛宿。刺史則劉秀夫也。值其是荆門州查辦逆案。未得相敘。詢其驛人。知係四方鋪好民何佩玉逆謀敗露。經荆門州文武查拏。輒敢抗格官兵。旋經拏獲二百餘名。陣誅四十餘名。今制藩二憲親往查辦。並聞京兵於三月二十一日到荆門州。地方沿途供辦甚繁。州縣無暇顧及餉鞘因有裝裁減大半。遺老僕張陞回揚。輕身前進。順具院連分司稟春林謁園書石札。並家信。途山見縹絲者。村莊榴花大開。芍藥已謝。晚聞蟋蟀鳴。足見氣候之不同也。

春殘

春殘花傍馬蹄飛。小鳥關關綠樹肥。帳望莫愁湖上水。漁竿閒殺盼人歸。

西河驛遣僕先歸

聞道前途去。軍興事事難。且聞車騎捷。不問五更寒。陸地斟遲早。江行慎浩瀾。歸家慰離思。祇說是平安。

題劉叟村莊棟樹

雨歇空山但水聲。蓬門棟樹綠陰成。杈枒不稱園亭意。古崛偏宜野老情。色似丁香花較細。形如火棗實將盈。莫嗟廿四番風老。落盡天桃蹊草生。

山莊晚眺

窗外青山映夕陽。板橋流水聽湯湯。渾如一幅王維畫。南畝農人晚插秧。

己未早晴。三十里李店鋪尖。五十里黃州府屬蘄水縣宿。沐浴。將晚大雨。買驢二頭。縣尹饋酒食。與竹香小酌。夜話甚快。

庚申晴熱。童子構瓶。插野蒿薇麥穗。繫於輿前。感而賦詩。四十五里巴水驛尖。二十五里午抵蘄水縣境巴河。宿李氏之挹翠軒。溪河環繞。閣凌空。山色江光。一望無際。值村中賽會。鼓樂喧闐。男女雜沓。往來于軒之左右。竟有舉國若狂之意。晚飲。買驢一頭。

童子構瓶剪野蒿薇麥穗繫於輿爲吾撥悶感而賦此

日日川輿裏。渾如老衲龕。人情如壁面。世事打包語。雨散拈花座。風生水觀潭。好尋迦葉去。鷄足有精靈。一鷄足山在滇中大。理府賓州。東古西域境。迦葉古爲道場。每到縹絲綰。香爐發野塘。一名縹絲花。暖生春蕊美。可釀露。採去綠雲香。乍見客塢近。開襟刺恐傷。昨宵感秋意。促織語何忙。四月聞蟋蟀。愛爾健壯。軍持注水多。相石憐歲稔。從此淨風波。得食飼鳥樂。登場野老歌。何當觸離思。祇憶山阿。

辛酉細雨。巴河。四十里午抵黃州府首邑黃岡縣。借竹香寺僧出南城里許。遊赤壁。謁蘇文忠公石像。閣四廡。窗臨大江。考赤壁係赤鼻山。一廡郎敗孟德之赤壁。在武昌府嘉魚縣。想蘇公二賦。乃借題發揮也。閣上扁額甚多。中有一額。題曰東坡赤壁。蓋其故也。內有于成進先生像。甚嚴肅。下山山門一石額曰。赤壁之遊樂乎。甚趣。歸進西門。訪月波樓竹樓。快哉亭諸名勝。快哉亭已無蹤跡。月波樓。據土人云。卽清源門城樓。亦不可考。惟竹樓尚存。有明與國朝兩遷其地。今移於東波之洗墨池。池水已乾。樓址傾圮。

。而趙孟頫洗墨池三字石碣荒烟蔓草。亦難尋覓。誠堪歎息。（原闕）烹江魚沽酒。與竹香酌。談笑甚樂。

竹樓

樓乃王元之所築與片波樓通有門與國朝兩遷其地移於東波之洗墨池余偕僧往看墨池乾涸竹樓傾圮感而賦此

小憩黃岡縣。偕僧訪竹樓。荒烟迷渡口。亂草上城頭。遷謫人相類。經營地不侔。誰將遺跡改。空使月波愁。

赤壁晚眺

樓閣嵯峨四照開。夕陽憑吊上層臺。蘇公二賦成今古。漢室三分半草萊。孤鶴可能還入夢。扁舟誰與更啣盃。一時懷古生遙慨。江水含烟滾滾來。

壬戌小滿晴熱。出黃州西門。三十里渡三江口。舟至中流。風浪大作。頗有昌黎登華山意。上岸待後船暫到。然後啓行。席地與竹香飲酒。觀三江形勢。三十里華客道尖。三十里江夏境葛店宿。買驢一頭。

黃州曉發過三江渡口感賦

東風恰趁木蘭舟。憑弔三江古渡頭。赤壁昔曾烏繞樹。黃岡無復竹爲樓。山鰲似解當年恨。水湧難消萬古愁。名士英雄何處問。閑雲漠漠日悠悠。

癸亥早晴。三十里土橋驛。又四十五里過洪山寺。因竹香墜馬。獨登浮圖。望南湖。詢寺係唐時建。惜殿宇傾圮。佛像暴露。午細雨。晚雷電大作。熱甚。十五里抵省城武昌府首邑江夏縣宿。寓縣傍城隍廟。大兩徹夜。臥具盡溼。斥僕。

洪山寺

道傍古刹何年建。亂艸荒烟鎖碧峯。廢塔已無千歲火。破樓猶撞午時鐘。生公石上嘗蹲虎。洗鉢池中已去龍。坐久忽驚風雨至。波濤洶洶撼蒼松。

甲子冒雨至漢陽門。登黃鶴樓覽長江。望晴川閣鸚鵡洲諸勝。對江漢陽府西。卽漢口。人烟稠密。真大觀也。隨渡江至漢陽府首縣漢陽。進朝宗門。水陸計程十五里。宿炎帝廟。僧云。此古太白樓。寺外卽郎官湖也。今已淤成平陸。爲居民所占。默然久之。賦詩以紀其事。謁分司張公。借螺二騎。托彼寄家書。並院分司稟程觀民札。

登黃鶴樓

行役何須日抱愁。每逢佳處許淹留。茫茫蕩蕩洲千頃。漠漠烟雲雨一樓。事遠難尋人跨鶴。身忙却羨水浮鷗。此中已有驚人句。太息當年未敢酬。

宿郎官湖舊址

曉發黃鶴樓。渡江乘小舫。午抵漢陽城。懷古多惆悵。更兼行館卑。襟期難昭曠。此卽太白祠。郎官湖在望。昔白謫夜郎。扁舟住湖上。張謂出使至。月夜來相訪。綠湖無嘉名。酌酒爲標榜。卽以郎官名。緬想何猗猗。嘉湖不須尋。久爲塵滓障。太白像已無。登臺空俯仰。我聞老衲言。使我心快快。身後名既空。生前莫悵愴。事畢將告歸。日日傾春釀。

乙丑晴。泥濘難行。三十里新店鋪尖。三十里漢陽縣境蔡店驛宿。村人賽張王會驅疫。鉦鼓爆竹。徹夜不絕。

丙寅晴。過北湖。表廣濶三十餘里。通河口古滄浪水。世傳屈原遇漁父處。三十里官橋尖。三十里午抵漢陽府屬漢陽縣宿。縣有伍公來拜。云自縣過天門。至潛江。達江陵。共七站。向由襄江水路。緣歲歉無夫故也。主誼甚賢。驛夫竊驛三頭逃去。

丁卯晴。縣君饋下程。出東門。登漫港。船計五隻。發襄江。晚住三汊潭蚌口汛。計程九十里。

舟發襄江

口口勞鞍馬。今朝渡水程。風開江上艇。月照柳邊營。酒薄思吳釀。詩愁多楚殺。殷勸囑襄水。流夢入蕪城。

漢川縣去年發水秋禾失收更兼瘟疫大行感之以詩

水漲襄江沒漢川。田荒更值疫行年。傷心何處尋潘母。好乞縣航橋井泉。

戊辰早晴。大頂風。晚微雨。宿仙桃鎮觀音閣。汛計程九十里。偕竹香登(闕)阜。看兩岸村人舞龍燈驅疫。沔陽州三公遣役至舟次巡更。

舟中寄(闕)書岩

昨日扁舟下武昌。修書珍重寄周郎。莫嗟遊子天涯苦。幾日江魚得飽嘗。

寄衡陽(闕)佐高軍持

閒說衡山陣雲。留連可憶舊同羣。相思寫就吳江紙。回雁峯前寄與君。

己巳早陰。午風暴。大雨。篷窗破漏。行李俱溼。泊彭市河。至酉刻轉順風。開船片餉抵橫口。宿計程八十里。晚沽酒與竹香壓驚。因水溜風狂。張帆甚險。戲慰以詩。

舟中風雨戲呈竹香

陸路多奔馳。才路少暇逸。何常遇石尤。途程難計日。舟人苦貧窮。小艇多破裂。忽然風雨至。酒盞落窗洩。蠅虫載三人。往來時促膝。二僕立水中。我獨蹲上榻。笑此匆忙中。主僕禮不失。少焉衆船集。惜勞姑暫歇。隔舫呼竹香。村中甚翹楚。雨止風少移。未晚仍常發。帆開見長風。瞬眼去時疾。竹香愁舟欹。憂心見於色。大叫慎篷索。百呼

不應一。頃刻三十里。遙見橫口月。竹香臥復驚。戍樓鳴箭。有酒能還傾。應聲猶口口。戲寫紀艱辛。敢言流事筆。

庚午晴。三十里至岳家口。交天門縣界。漢川天門兩縣役營兵繹夫。至此交替。船打過站五十里。宿張節港。交潛江縣界。晚坐船頭。與竹香玩月飲酒。聽老兵話荊門州四方舖事。以不確。故不細載。

辛未晴。換繹夫。船仍打過站十五里。至折口三汊河。其水山囊陽發源。一入長湖。至荊州。一入漢江。至武昌。又四十里至田關。舟子報船稅。天門潛江兩縣役營兵。至此交替。又四十五里。至張家嘴。住泊船。已交三鼓。江月如銀。命奴子叩村店沽酒。用繹舖河干席地與竹香豪飲狂談。直至村鷄喔喔。清露如雨始罷。

聞滇南朱參軍樸協辦軍差以詩先寄

參軍別我將十年。飄蓬薄宦過南滇。憶昔去時何蕭瑟。囊餘三百青銅錢。知爾少時多馬跡。七閩荆南燕趙北。工部文孫太守兒。舉動全無執袴習。堪口四壁清於水。翻然投筆遠桑梓。稟格真成骨鯁人。淮陰舊事論堪恥。官職何須大小分。一人以下皆臣子。騏驎常存秣飼恩。敢憐奔馳千萬里。况值王師掃蠡蠻。莫因戰小生岐視。好把心肝奉至尊。男兒事業當如此。

壬申望晴。四十五里至了角廟。舟子祀神。十五里至長湖口守風。傍晚風少息。過湖。三十里抵龍口宿。按禹貢注雲夢。澤名。周官職方。荊州其澤藪曰雲夢。方八九百里。跨江南北。華容枝江江夏安陸。皆其地也。則此即雲夢澤無疑。奴子柏坤病坐船頭。與竹香對月小酌。聽隣舟吹笛度曲。

午後過長湖風阻晚泊河邊對月感懷

浩浩波濤迴。悠悠鷗鷺閑。斷雲迷夢澤。斜日下龍山。風急浮篷梗。愁深思故關。孤舟明月夜。有夢艸堂還。

癸酉晴。呼魚船買魚蝦。所過仍長湖地。多廣數十里。兩傍皆青艸。一望無垠。其中水寬不過四五尺。深二尺許。四十五里至草河。換小船約七里登岸。過滿城。進銳州府江陵縣東門。住后土廟。遇欽差期大人（諱）成口。制臺定大人（諱）長。出城祭觀大人（諱）音保靈柩。晤二批張鶴亭。聞京兵于明日到。寓內有（闕）郡解餉李公（諱）鎬家人趙升。病已三日。臥床不食。投以紫金錠不安散。

舟抵荊州

曉發長湖口。江陵一棹開。鳥隨殘月沒。船逐午潮來。雨暗劉郎浦。風生落帽臺。多才憐宋玉。舊宅許啣盃。

庾信哀江南賦注。宋玉舊宅在江陵城北。信因侯景之亂。自建康至此曾居焉。入蜀記云。宋玉宅。今爲酒家。

甲戌晴。張鶴亭發鞘起程。因京兵到去少。停留一日。仍住荊州。晚四批護餉陳丕承至。晤鶴峯州佐韓（諱）濂小酌。買馬二匹。

乙亥晴。躁熱。以四驢易三馬。又買驢二匹。僱馬夫龔文舉。候京兵五鼓渡江後。遊龍山。遇王鎮臺（諱）王廷樞。二十里渡江。晤劉書年令四兄（諱）嘉會。新選黔省桐梓令。五里江面。又三十五里至公安縣境。陵驛宿。途遇張鶴亭。復回荊州晚公安巡司至公館點鞘。頗覺重。犒僕。

丙子早晴躁熱。路遇李鎮臺（諱）全樞。四十五里宿荊州府屬公安縣晤劉四哥打尖。彼至章莊舖住。晚大雨。縣君姚（闕）實傳甚賢勞。撥家人衙役看鞘。兼饋酒餚。

途遇王李兩鎮臺輿櫬感賦

勝敗軍常事。愁看草裏尸。捐軀盡臣節。奮勵主師。萬里忠魂返。千秋祀典垂。途間拜輿櫬。不愧男兒。

丞相天都下。滇南萬姓欣。瀘江舟定渡。藤甲火還焚。一戰掃狼穴。千師唱虎羣。生擒當不遠。俘獻報將軍。

丁丑陰。公安縣君撥家人一名押鞘。差役十名。第二名管鞘二十根。用五色大旂五面。交役手執。又小旂一百面。亦分五色插鞘上。辦理井然。四十里章莊鋪尖。四十里入湖南境。澧州順林驛宿。

戊寅晴。芒種。三十五里牛站岡尖。二十五里直隸澧州宿。公館臨江甚軒爽。公安家人回。修書致謝姚縣君。竹香二指患疔。並鼻血。止酒。投生麥湯。僕魯達無知換前站。余索然亦止酒。道上見農家。以石灰沃田。

己卯晴。過澧江四道。皆用船渡。竹香腿爲螺傷。易笏輿與乘。四十七里獺貓鋪宿。十五里澧州境清化驛宿。奴子荐楊梅桃子。

庚辰晴。黎明京兵頭站至。聞昨日住公安縣一更卽起身。連夜前進。銀鞘亦於是刻發行。四十五里鰲山鋪尖。乘馬二十里。至大龍驛站。因京兵於明日亦住常德（闕）以二更起身。用繩十鞘一連。而鄉夫蠻野。將繩拉斷。嘈嚷之聲。一路不絕。幸澧州把總劉君。率兵八名。照料直至。

辛巳辰牌六十里。始抵常德府。將鞘堆貯武陵縣大堂。其心始放。俗云。願管千軍。不管一夫。信然。嗣後夜站萬不可走。早南方虹見。午後雨。接劉四哥札。不承差家人投書。卽發回札。僱螺二匹。往回常德交卸。食鱖魚。發家書。附通稟稿。

壬午雨。渡沅江三道。自辰州東南。流入桃源。下注洞庭。因京兵過。皆有浮橋。三十里陬市尖。一路桐子烏桕樹極多。皆可取油。較江浙桑柳猶盛。田埂以松木雜枝遮欄。防人馬踐踏。鷗鷺鴛鴦遍野。初見鷓鴣。四十里常德府屬桃源縣宿。京兵駐此。無公館。借王姓屋。主人甚貧。昆仲四人。長名長春。號松鱗。次名永春。號錫籌。皆在庠。三四年幼尙讀書。家釀酒。沽以十二文易酒二斤。甚佳。聞已二陳矣。少焉二生出。延至屋後書室。復款酒。隨侍郎三四乃弟。繩樞有古人風。索詩卽席勉就。三鼓竹香乘醉書拳大字。酷似趙松雪。松鱗命弟叩店門買紙。寫和余詩。堪稱佳話。以六十文買鱖魚。重四觔。周順患腿瘡。投釋蘭白茭。

贈王松鱗錫籌昆仲

夜宿桃源縣。高人屋數椽。入門先索句。沽酒不論錢。花放三田樹。床盈二門偏。漁郎何必問。此卽洞中天。

癸未早大雨。上生送酒一瓶。惜不能帶。二十五里過白馬渡。傍山沿河。行約五里。道傍有桃源佳境四字大碑。又數武。卽桃源洞。至山頂約里許。寺左依山窄路。窮流水之源。上有石棹兀。自縣一路山川奇秀。至此恍如身入仙境矣。仍渡河三道。大坡二處。三十里桃源縣境鄭家驛宿。馬夫孔文病。投平安散。晚晴。

入桃源口號

一路山橫似畫圖。桃源風景世間無。潺潺流水瀟瀟雨。翠竹蒼松叫鷓鴣。綠疇萬頃雨如麻。茅屋山均有數家。白鷺彩鴛翔水畔。短牆如火石榴花。甲辰大風。密雨晝夜。寒甚。三十里楊溪橋尖。三十里桃源境新店驛宿。一路皆山。間有大坡。皆寬闊易走。而奇秀曲折。勝於昨日。誠所謂別天有地非人間也。聞鷓鴣聲。

乙酉早仍雨。寒甚。過大坡三十里。軍香舖尖。澗河數十道。皆有橋。過龍關。土人云。國朝討吳三桂處。四十里至沅陵縣境界亭驛。先住公館。因欽差邁大人初一日到。移住飯店。晤如臯沈（諱）全達。係安仁縣知縣。陞湖州司馬。戴（諱）廷槐。係沅陵縣佐。湯四哥親站上。係辰州府藩（諱）經駁太尊差家代辦。自僱與夫甚貴。今日行七十五里。皆在。四山之中。樹木叢雜。杉松楓竹頗多。此窮三站之首也。

丙戌晴。過澗河數十道。皆有橋。溪河一道。舟渡。行萬山之中。過大坡三座。離馬鞍山最險。四十里獅子舖尖。經犀牛潭。三十里沅陵城馬底驛宿。此地婦女上陡山采樵。行步如飛。倪高於馬鞍山。見村落虎咬犬。

丁亥晴。四十里淘飯舖尖。三十五里至辰州府首縣沅陵。仍行山中。過大坡五處。惟青山坡馬溺灘爲最甚。於昨日路遇辰州府。潘太守云。嚴春林二哥。係伊令親。寓東門外。窗辰溪。四圍皆山。甚軒爽。竹香氣痛矢紅。晚大雨徹夜。

過青山坡馬溺灘晚宿沅陵縣東門外

穿林繞澗。山巔。栩栩身浮入半天。萬頃碧雲奔野馬。一條銀線湧飛泉。樹臨流水幽窗外。烟鎖孤城夕照前。隔岸寺窺村酒熟。傾囊不惜買魚錢。

月戊子朔。早雨。緣常事廢馳。朝夫難齊。仍住辰州。午晴。前途陡發山水。溪流甚溜。聞橋梁盡爲水冲。江中飄來草本。順流而下。居民男婦鼓小艇數十取之。亦大觀也。庖丁薦來禽。陳酒舖。將謂近天中節耶。與竹香飲甚樂。夜大雨。

再宿辰陽行館

辰陽山水勝。幸賴野人賢。窗廠清流繞。城孤碧樹連。旌飄沽酒店。棹鼓打魚船。寂寞淹留客。憑欄醉不眠。